

沅湘耆舊集前編

真湖耆舊集前編卷第十八

新化 鄧顯鶴 子立審編

男琮謹輯

陶邑州鄉三十七首

弼字商翁永州祁陽人父岳字舜咨太平興國五
年進士歷官端州刺史嘗著荆湘近事五代史補
公少儻放宕好談兵嘗行山閒見雙鯉戲溪水
傍一老父指曰此龍也行且鬪宜亟去行百步許
大雷震岸圯木拔倉卒得濟人皆異之已從所親
學兵法登雍熙二年乙丑進士授三甲職方員外

郎宋史本傳未載從湖慶厯中楊旼討湖南獠授

公兵使往襲大破之以功授陽朔主簿敗討儂寇
辟參軍謀府調陽朔令攝興安以書說桂守蕭固
浚鹽渠通漕後李師中浚之征安南以出餽餉大
爲民利歷知賓容欽三州徙邕州移知韶州章惇
經理五溪薦轉辰州遷皇城使降北江彭師安領
忠州刺史郭遠南征加康州團練使復知邕州遠
帥官軍臨富良江交人納款欲班師恐爲所襲賊
知公殿不敢追以所得廣源峒爲順州畱公知州
事進西上閤門使轉東上閤門使公廉明慈惠所
至有聲初至邕州亂後民不聊生公緩脩惠養至
忘其勞諸峒獻土物求內附降意撫納大水身先

版輿爲土襲千餘置道衝城得不壞人乏食百計
振饑遠近感悅及邕再罹寇亂州民散匿山谷開
公至扶老攜幼以歸最後畱知順州去邕二千里
多毒瘴士卒死者枕藉公亦染病猶旦夕撫循單
士時其勞苦士莫不感泣思奮獲聞譟不殺諭以
順逆縱之去故賊動息皆先知終公之世交人不
敢犯公善詩好士樂施所得奉悉以與人家至貧
不恤公死夫人猶躡屣以居有集久佚惟邕州小
集七十三首見 四庫總目今外閒亦無傳本僅
從方志雜錄及宋詩紀事楚風補各書搜輯共得
三十七首視 四庫著錄亦獲其半矣

四庫總目提要

宋史本傳詳敘其招納諸賢之績人稱其能黃庭堅集有弼墓誌銘亦謂其聚晚學子弟講授六經平生不治細故獨以文章自喜尤號爲能詩詩文書奏十有八卷讀其書知非碌碌者今十八卷之本久佚惟此集一卷尙存鈔帙所載詩僅七十三首厲鶚宋詩紀事錄弼詩有詠藕詠蝶二首見於合璧事類者茲集不載又湖廣通志稱弼詩尤善言風土蠟茶詩至五十韻今亦不見集中蓋是集皆在湖南所作故以邕州爲名其非湘南所作者則不在此集也其中辰州一首園中一首皆闕首二句五溪一首闕末二句無別本校補今亦仍之焉

登崑崙臺

落照古城隅邊風動隼旟久閒忘戰略多病熟醫書白髮隨年短新情與世疏桃花春水起還釣舊溪魚

送趙樞寺丞宰虔化縣

路入虔雲去如何輕解攜人煙五嶺北星斗大江西南

梅花樹晴雷嶺石溪青衫欲無淚不柰鷓鴣嘯

出嶺題石灰鋪

馬度嚴關口生歸喜復嗟天文離卷舌人影背含沙江勢
一再曲梅梢三四花登高休問路雲際是吾家

天涯亭

雨色絲絲風色驕天涯亭上覺魂消一家生意付秋瘴萬
里歸心隨暮潮兵送遠人還海界吏申遷客入津橋山公
對此聯酣飲怕見醒來兩鬢凋

邕州集

寄蘇州徐處士弁弁能畫山水

平南無策鬢如霜七十峯前舊隱鄉相約祝融孤頂上借
君吟筆畫瀟湘

聲畫集

賓州作

金鼓聲闌劍戟收使君回上雅歌樓尊前一闋綺商曲消
盡窮邊萬里愁

往歲傳聞南詔檄近時方築伏波城安城太守知邊計
菑花中閱水兵

閩阜山

原注崇真宮在臨江新淦縣北山形如閩山色如阜故名

萬仞天門閭阜形陰陽不似衆山青一區海上神仙宅數
曲人閒水墨屏華表鶴歸春谷響玉京龍起夜潭腥可憐
張葛無人繼三級高壇拂杳冥

陽朔縣作

榕葉森森蓋縣衙不離牀衽見煙霞民耕紫芋爲朝食僧

煮黃藤代晚茶瀑布聲中窺案牘女蘿陰裏勸桑麻欲知
言偃弦歌處水壘屏風數百家

方餘勝覽

端硯贈王欲

端硯如池狀潤疑雲雨通粗官不識字好去伴詩翁

硯筆

寄新沅守謝麟

險盡天開溪路平詩書新將興新城三千戍卒今無幾十
萬屯田古未耕屬縣乞除防虎檻生蠻願獻採砂阮從茲
預擬風塵思盡是仁威下旆旌

辰州府志

山茶

江南池館厭浮紅零落山煙山雨中卻是北人偏愛惜數

丈和雪上屏風

後村千家詩

詠藕

萬頃金沙裏誰將玉節裁
絲應鮫乞與津是蚌分來盤貯
冰猶結刀侵雪易催防風骨外折
混沌竅中開月寺僧家鉢風亭酒
客杯胸中秋氣入牙角雨聲回自
媿塵泥賤得蒙尊俎陪與君消酷
暑瓜李莫相猜

蜨

暖翅玉羅薄香鬚金綫微
青春二三月白日一雙飛
露重休深入風高且暫歸
南園芳樹下燕雀最多機

題柳州柑子堂

原注柳子厚手植

子厚才名甲有唐謫官分得荔支鄉
羅池水盡黃柑死潤有奇碑在畫堂
錦繡萬花谷

黃陵廟

溪上龍蛇屋蕭條帝子祠竹痕當日淚山色後人疑仙服
霞留綺新粧月印眉楚民亡水旱簫鼓謝神禧

已上見宋詩紀事

永平寨道中

疊嶂深千里窮邊今一隅北風家信息南斗客程途嶺勢
頻開合援聲乍有無過溪人語笑隔岸戍煙孤

石江

昔年觀地志此水出牂牁斷岸深無底平流暗起波感恩
來客少射影短狐多未老諸蠻在樓船恐再過

羅秀山

原注在
南寧府

尋山入羅秀旋結草堂居花露生瓶水松風落架書聞猿

得句後見月出行初此夕雲林下無因夢使車

明江夜泊

幾年來瘴外此夜宿溪中照枕殘雞月吹鐙落葉風
盧循猶僞國楊僕已衰翁起載寒星去南村曉影紅

南城臺

江國音書斷他鄉寒草生無人來遠渡盡日上高城
落照懸魚市孤煙起戍營東園故離菊又向酒中傾

崑崙關

關路下崑崙蠻封迤邐分春光偏著草雨意不離雲
俗異君修德時平將用文臨溪照綠水老鬢雪紛紛

瑞蓮池

五月紅蓮繁盛時
隼旟同賞郡南池
額名舊載零陵志
碑宇新鐫子厚詩
採藥銜杯愁滿滿
折花行令笑遲遲
明年歲熟歌聲穩
伴醉清香客是誰

田州道中

路下牂牁水石閒
三分纔過二分山
年光欲盡家猶遠
嵐氣雖疏鬢已斑
賓從笑談譏獨進
兒曹音信喜生還
南風一夜吹鄉夢
數刻飛過五嶺關

閱武堂

原注在賓州

南嶠風雲久肅清
坏溝殘壘號昇平
官曹惟識簿書字
民俗不知金鼓聲
往歲忽傳南詔檄
近時方築伏波營
安城太守深邊計
菡萏花開閱水兵

登淪漪閣

談笑淪漪閣
藤花竹葉閒
易醒江上酒
難畫雨中山

長沙碧湘門

城中煙樹綠
漫漫幾萬樓
臺樹影閒天
濶鳥行疑沒
草地卑江勢
欲沈山

祝融峯

曾到祝融峯
頂上步隨明
月宿禪關
夜深一陣打
窗雨臥聽風
雷在半山

對花有感

得意忻忻失
意悲古今
人事若花枝
桃紅李白
薔薇紫
問芳春風
自不知

鼓角樓

原注在彭林州

去歲同登畫角城諸蠻未滅夜論兵五更將吏知人意吹得梅花塞外聲

思柳亭

原注在柳州

維池刺史寡塵緣畫戟牆頭築望仙黃鶴與誰同一去碧桃無主又千年

芙蓉亭

邊柝無聲獄訟疏芙蓉池上避金烏民收懶實充田賦匠寫空花入縣圖

已上見楚風補

題白霧驛

草市人朝醉畚田火夜明灤江入地瀉棧道出雲行

又一首

一曲清溪一曲山鳥飛魚躍白雲閒溪山豈待行人到自
是行人到此閒

贈章惇

琮案茗溪漁隱叢話東皐雜錄熙寧中章子厚奉詔城杭州時陶弼知辰州有詩云云方

興勝覽詩刻今在洪江寨正與牂牁水相直

善戰無如新息侯漢兵纔渡綠蘿洲愛君挽我陶溪粟直
到牂牁水口頭

通志金石門

題司馬錯城

北設長城陷敵塵更來勞役武陵民我觀洞裏栽桃者便
是當時築版人

常德

曲臺風月德山雲夢想中間九度春臣葬江魚終愛楚民

逃花洞不思秦

常德文徵

句

雪山經夏冷天馬入秋肥

塞上

陰微辨樵火霽早誤僧

鐘行役

渴蜂銜硯水飢蜚嗅餅花

順州

梟鳴社旁樹

盜發冢中金

鹿飲沙渾水猿飢果落雲

將老未聞金

作印師寒猶用鐵爲衣

山險不能留霸業水聲惟解送

年華

道近可憐驚馬駿時平不見布衣雄

已上後村詩話

蒐兵四解降王縛報國三登上將壇

觀曹武惠畫像澠水燕談

路司諫振

三首

振字子發祁陽人唐相巖之四世孫洵美之子淳

化中舉進士試卮言日出賦太宗甚嘉之擢賓甲
科釋褐大理評事通判邠州徙徐州召還直史館
復遣之任遷太子中允知濱州一日契丹至城下
兵少民相恐衆謂公文吏無戰禦方略環聚而泣
公乃親加撫諭且以敵盛不可與爭鋒宜堅壁自
守數日契丹引去轉運使劉綜稱其能詔書褒美
又以西兵未弭入判大理寺改太常丞知河中府
徙知鄧州代還判吏部南曹三司至景德中使福
建巡撫俄判登聞鼓院會修兩朝國史以公爲編
修官大中祥符初使契丹撰乘輅錄以獻改太常
博士左司諫擢知制誥公文詞溫麗爲名輩所稱

尤長於詩多警句及居文翰之職深愜物議獨有
行在專典綸命牋奏填委應用無滯時推其敏贍
性嗜酒得疾有集二十卷嘗求五代末九國君臣
行事作世家列傳書未成卒錄其子倫爲太常奉
禮郎公集久佚僅存伐棘篇見楚寶良史別傳盤
鬱生硬杜韓之亞矣又有祭戰馬文見宋史本傳

併附錄

今從全唐詩得古今體詩三首

琮案宋史路振本傳

云父洵美事楚馬希杲振淳化間舉進士湖南通志選舉表作端拱三年孫何榜考端拱三年卽淳化元年志又云一作淳化三年蓋傳聞不一矣全五代詩云振初事馬殷考振本傳以大中祥符七年甲寅冬卒年五十八朔其生年當在周世宗顯德三年丙辰時馬氏亡已五年矣此尤誤之誤者也又案振九國志五十一卷見晁公武郡齋讀書志倫十國志見玉海王應麟曰振撰九國志其子

倫又增高氏季興爲十國志拾平元年六月辛酉
倫上之詔付史館卽吳任臣十國春秋所由本也
又宋史藝文志作
路振楚青玉卷

伐棘篇

伐棘倚所山之巔秋風颭颭棘子丹折根破抵堅且頑
夫趲趲汗汚顏攢鋒束芒趨道還藉之森森繚長藩暮冬
號風雪暗天漏寒不鳴守犬眠主人堂上多金錢東鄰暴
客來窺垣舉手觸鋒身隕顛千矛萬戟爭後先襟袖結裂
不可撓蹠破指傷流血殷神離氣沮走踟躕數尺之牆弗
復攀索頭醜奴騷河壩朔方屯師連七年木波馬領沙垣
填氣脈不絕如喉咽官軍虎怒思吼軒強弩一發山河穿
將不叶謀空卽安翫養小醜成兇頑推芻挽粟徒喧喧邊

臣無心靖國艱爲余諷此伐棘篇

贈安邑簿伍彬歸隱

老終秋髮白歸隱舊峯前庭樹鳥頻啄山房人尙眠寒巖落桂子野水過茶煙已結勞生念虔心向竺乾

題惠泉師壁

補續高僧傳孫何遊南臺問惠泉高槩叩其門一見如舊識饋勞加厚後二年

何爲進士舉首同年路振官彭門何盛稱泉好義甚焉振下車詣焉師已去浙矣振歎慕留詩壁門云云

漢公嘗說惠泉師解講楞嚴解賦詩今日我來師已去草堂風雨立多時

句

君恩來萬里客路出千山

潮州徵還

附錄祭戰馬文敘云咸平中契丹犯高陽關執大將康保裔略河朔天子幸魏特遣將王榮以五千

沅湘耆舊集

前編卷第八

十

騎追之榮無將才但能馳射受命逗遛伺賊渡河
而後發有剽漕齊者數千騎尙屯直沽榮不欲見
敵遂以其騎略河南岸而還晝夜急騎馬不秣而
道斃者十有四五天子問之遣使收瘞焉因作祭
文其辭曰房駟之精降爲驪駢飲泉呀風流沙激
霆虎脊孤聳龍媒驚狎丹髦曉霞的穎秋星第方
著幹宜乘旋膚嶢臚角起方背珠明爾其絕塞草
荒八月隕霜毛縮蹏堅筋舒脈張獸惡恐噬虬狎
欲驤噴沙散沫千里飛雪圍人負紉武士索鐵前
遮後突雷動地裂忽挽一而制百終伏揭而受絛
牧官劬劬歲入券書蹏蹏纍纍通乎鬼區名駒大
駟銜尾入壑勞其酋長飾以駟僮蜀錦吳繪積如
巨陵馬歸于我雖重幣入于彼則輕於是絡黃金
之羈浴天池之波鼓鬣雲衢弄影星河或踞而嚙
或顯而咆原蠶中禁駢駿何多帝念神物來經遠
道閱之內殿養之外阜飲以玉池秣之瑤草窮冬
遘塵入我河清羽書宵飛龍馭北巡選仗下之名
馬屬閭外之武臣瑪戈電燭禁旅星陳援以長策
帥以全軍壯士怒兮山可擘猛馬哮兮虎可咋何
嘍哨之無勇反還延而還敵冰霜淒淒介甲而馳
不飲不秣載渴載餒餒餒餒餒餒餒餒餒餒餒餒
于蹏路反屋精于雲霧報主恩之無改濟戎力流

何謨生鶴致祭并帷成禮痊而高
爾全爾具體焉如有神知帝之仁

孫少卿頌 一首

頌字景修號拙翁長沙人曾祖匡替祖雋父成象
累世俱以行義著頌咸平閒舉進士知桂陽軍遷
湖北轉運使終太常少卿以才顯於世景修少孤
受教於母爲賢母錄以致其思又撰古今家誠一
書蘇頌濱序之稱其自周公以來至於今得四十
九人父戒四十五母戒四云文見頌濱集書目見
文獻通考景修家世孝友皆有著述爲湖湘名族
今其書久佚詩亦無可采楚寶列入孝友類而稱
孫景修蓋并其名不知矣今從通志得拙翁巖銘

存之亦有賢母錄上起陶唐下迄明代而其兄花耘遺書
劉旌節錄附焉自序云昔人之爲是錄者有宋太
常少卿孫頤其書久佚而著書之意略見於蘇頌
以補孫氏亡書藏之篋衍以待兄是錄特刺取史傳
製序以行卽謂孫氏之書爲未亡而先生孝養未
竟之志亦託以不朽焉可又案少卿父成象字乾
曜性篤孝友勇於赴義娶李氏家多貲嘗析其產
同門壻以女分訴成象曰婿姻以利末俗事也而
又以訟乎是非士人所爲謝絕之好學問爲文章
長於歌詩善書法嘗以事出旁郡而母以疾亡既
還伏棺悲摧累日不食號頓而終年三十三贈
部侍郎劉摯爲撰墓銘及墓表言其祖匡替爲揚
州主簿以清白著名父雋教子有方湖
沿衣冠論治家可法者推城南孫氏云
拙翁巖銘軍時當遊此以拙翁自號刻銘其上劉摯
思肅集有孫少卿鹿頭山詩并畫圖二首通志
肅英宗時順知桂陽監開鹿頭山并爲圖是也
人皆營營我心則甯人方攘攘我靜且平疏拙之性自知

甚明假符偏壘遇時宴清居多暇日愛此巖局登臨眺望
咸快襟靈蒼巖磨礪用刻此銘

局駕部世南一首

世南祁陽人大中祥符元年戊申四甲進士累官
尚書駕部郎中以持議忤王欽若致仕駕部有氣
節爲士論所服初以虞部員外郎知郴州有政聲
縣志載其少遊國學聘董氏女未婚女喪明董氏
請離婚其父貽書問之報曰人生配偶有定分始
全終廢天也絕之不祥旣第娶之無異言有詩一

首刻涪溪石壁剝落不全僅得四語亟錄之以存

其人

案涪溪東崖有周世南等題名文云皇祐
年甲午歲正月二十一日尚書職方員外

郎知永州柳拱辰同尚書駕部郎中分司周世南
祁陽令齊術遊此又題浯溪詩前云浯崖碑辭
語精則景物奇峭輒成五言詩一首紀題結銜云
尚書駕部郎中致仕周世南金石文編考分司致
仕者例得從便居住則分司猶致仕也皇祐六年
即至和元年是年三月始改元題名刻於正月故
稱皇祐六年也

浯溪

壁立石青蒼隣溪復枕江刊名傳不朽縱筆記無雙

狄主簿遵度 三首

遵度字元規長沙人樞密直學士棐之子少穎悟
篤志於學每讀書意有所得即仰屋瞪視人呼之
若弗聞大中祥符間舉進士一斥於有司恥不復
為以父任為襄縣主簿不久棄去好為古文著春

秋雜說見經義考嘗思時學靡倣作擬皇太子冊
文除侍御史制裴晉公傳人多稱之尤嗜杜詩一
夕夢工部爲誦世所未見詩及覺纔記十四字因
足成之爲佳城篇有集十卷見宋史藝文志佚齋
閒覽遵度幼而聰慧弱冠爲文詞氣豪邁有韓柳
之風其爲歌詩每以子美爲法旣而友人有往湘
中者乃爲文使之來陽弔子美之墳數日忽夢子
美與之反覆飄誦其平生所爲詩若干首皆世所
未聞者及覺彷彿可記纔十餘字東坡集題跋
書遵度詩云遵度自兒童已能屬文落落有聲一
夕夢子美誦平生所爲詩皆集中所無者覺而記
兩句遂續之侯鯖錄遵度敏慧夙成當楊文公
崑體盛行乃獨爲古文章慕杜子美韓退之句法
一夕夢子美自誦其逸詩旣覺猶記其兩句云夜
臥北斗寒挂枕木落霜棋雁連天遵度因足成
夢溪筆談遵度有清節美才年二十餘忽夢爲詩
有邱墓閒意

不數月卒

佳城篇續夢中作

時年十六

佳城鬱鬱頽寒煙孤雛乳獸號荒阡夜臥北斗寒挂枕霜
拱木落雁連天浮雲西去伴落日行客東逝隨長川乾坤
未毀吾尙在肯與螻蛄論大年

和渙之梁秋月夜書事

洞庭葉下涼颼颼凍天頑白凝不流圓月擬缺不忍缺輕
露欲浮終未浮憶吹朱籟鳳輶止更采紫芝雲嶠陬玉樓
天半幾千尺珠樹玲瓏懸上頭

以上宋文鑑

詠芭蕉

植蕉低簷前雙叢對含雨葉閒成丹心一日視百俯胸中
數寸赤不惜爲君吐心盡腹亦空况復霜雪苦非無後凋

意辛脆不足禦全芳備祖

噸通判起一首

起字輔聖沅江人景祐改元甲戌進士歷官寧鄉姊歸湘鄉梓鄉等縣令在姊歸時疏鑿新灘以便

舟楫歐陽文忠公銘其功於石終永州通判琮案

金石門澹山巖題名有宋張子諒中樂陳起輔聖麻延年僊夫魏景晦翁盧臧魯卿夏鈞播之同游嘉祐祐享後十一日考嘉祐四年十月祐享明堂此題當在是年十月起終官永州通判蓋即一人輔聖之字猶可考也

迎月

尊酒貪迎月人生醉後佳夜來窗不掩吹落一瓶花

柳都官應辰二首

應辰字明明武陵人先籍青州五季避地荆楚遂

為武陵人寶元元年戊寅進士歷官尚書都官員

外郎通判永州兄拱辰天聖八年進士通判鄂岳

致仕後物亭於青陵館名其橋曰歸老曾子固為

之記子平猷等相繼擢第人號武陵五柳

容齋五筆注

石上有大柳字題云柳字起於心心之所記人不

能知大宋熙寧七年甲寅歲刻尚書都官員外郎

武陵柳應辰仍有詩云云闕中陳思跋云柳都官

欲以怪取名者所至留柳盈丈莫知其何為柳字

古人書名之草者施於文記以自識別耳今鐫刻

廣博如許已可怪矣好事者謂能祛逐不祥尤大
可笑石旁又有蔣世基述夢記云至和三年八月
知永州職方員外郎柳拱辰受代歸闕祁陽令齊
術送行至白水夢一儒冠者曰我元結也今柳公
遊西溪無詩而去子孟求之覺而心異之遂獻一
詩柳依韻而和其語不工拱辰以天
聖八年登第應辰兄也因並記之

刻潛溪石上

潛溪石上大江邊心記閒將此地鐫自有後人來屈指四

千六百甲寅年

案祁陽縣志云潛溪石在大江四句鐫頌碑之左
視前押橫直大四五丈案甲寅卽所書熙寧七年
甲寅也而云四千六百者考大初歷以上元十一
月甲子朔冬至推算每一千五百三十九年爲一
統三統爲一元六甲盡矣又還甲子朔旦冬至若
以三統計之共四千六百一十七年至於元豐七
年復得闕逢攝提格之歲或熙寧之七年
年正值是所謂復得闕逢攝提格也
潛溪詩 案三語在心記詩右末云全家來遊
七日而去熙寧丙辰歲柳應辰書

不能歌不能吟瀟湘江頭千古心

琮案應辰自皇祐五年謫居隨州舟次潛溪至熙
寧六年判永州九年丙辰去永二十三年中來往
潛溪澹巖間題名刻詩凡十三心記詩押字畫廣
博至八尺彊深至二寸許不特好奇且近怪矣好

事者遂有應辰判永州夜坐有物引手入窗撥筆
押字於上後見州治古槐及江邊巨石下嘗有怪
柳押字石上信宿大雷雨石拆巨鼉浮出患遂絕
之語其言絕誕皆應辰心記押字之大有以啟之
也應辰不工韻語而其人任當時有盛名蓋卓然
能樹立於時者故一時名流皆重之云又應辰字
不著金石記每稱柳明明押字則知其字爲明明
矣其兄拱辰字昭昭卽其命字亦好怪之一徵也

沅湘耆舊集前編卷第十九

新化 鄧顯鶴 子立審編

男琮謹輯

周子 三十一首

周子諱惇頤字茂叔原名敦實避英宗諱改焉道
州營道人父輔成大中祥符八年進士終賀州桂
嶺令先生以舅龍圖閣學士鄭向廕奏補試將作
監主簿丁母艱服除從吏部調洪州分寧縣主簿
部使者以爲才奏調南安軍司理參軍遷郴州郴
縣令改桂陽令用薦者言改大理丞知南昌縣尋
遷大子中舍簽書署合州判官以國子監博士通

判虔州又以英宗登極恩遷虞部員外郎判虔州如故已對移永州權發遣邵州事用趙抃及呂公著薦爲廣東轉運判官轉虞部郎中擢提點廣南東路刑獄因疾求知南康軍會抃再尹成都復奏起用朝命及門而先生已卒年五十七葬江州德化縣清泉社先生權知邵州時以舊學在牙城中偏處獄庾卑陋弗稱度地遷於城之東南今邵陽學宮是也其上有景濂堂今爲濂溪書院其南有泉曰濂泉皆以先生得名其求知南康卽家廬山蓮花峯下峯麓有溪築書堂於其土因取營道所居濂溪以名之志鄉關常在口中也學者稱濂溪

曾爲刊行國朝康熙初其裔孫沈珂又校正
鐫先儒著述學五卷所宗固不以其太少而廢之
本後附遺芳集五卷乃沈珂輯其先世文章事蹟
自爲一編與本集不相比附今別入之總集類不
使相淆朱子濂溪先生事狀先生姓周氏名傳
實字茂叔避厚陵薛氏名改傳頤世居道州營道
父輔成大中祥符八年登蔡齊榜進士第嘗爲賀
州柱嶺令贈諫議大夫母鄭氏封仙居縣太君先
生少孤養於外家景祐中用舅氏龍圖閣學士鄭
公向奏試將作監主簿授洪州分寧縣主簿先生
博學力行遇事剛果有古人風其爲政精密嚴恕
務盡道理縣有獄久不決先生至一訊立辨衆口
交稱死轉運使者薦其才爲南安軍司理獄有囚法
不當死轉運使王逵欲深治之逵苛刻吏無敢與
相可否者先生獨與之辨不聽則置手版歸取告
身委之而去曰如此尚之可仕乎殺人以媚人吾不
爲也迭感悟囚得不死且賢先生薦之移郴州桂
陽令皆有治績用薦者言改大理寺丞知洪州南
昌縣南昌人見先生來喜曰是能辨分寧獄者於
是更相告語勿違教令而以汚善政爲恥也改太
子中書舍人簽書合州判官事轉殿中丞一郡之
事不經先生手吏不敢決民不有從趙清獻公爲

使者小人或謂先生趙公臨之甚威而先生處之
超然也轉國子博士通判度州趙公來爲守熟視
先生所爲執其手曰今日乃知周茂叔也遷尚書
虞部員外郎通判永州權發遣邵州事新學校以
教其人熙寧元年用趙公及呂文獻公薦爲廣南
東路轉運判官三年轉虞部郎中提點刑獄先生
不憚出入之勞瘁按務以洗冤荒崖絕島人跡所
至處亦必緩視徐按務以洗冤荒崖絕島人跡所
措置未及盡其所爲而先生病矣因請南康軍以
歸趙公再尹成都復起先生朝命及門而先生卒
矣熙寧六年六月七日也先生有七葬江州德
化縣清泉社娶陸氏封縉雲縣君再娶蒲氏封德
清縣君其子壽壽皆太廟齋郎先生所著有太極
圖易說易通數十篇詩十卷藏於家先生在南安
時年甚少不通數守所知洛人程公珦攝通守事視
其氣貌非常人與語知其爲學知道也因與爲友
且使其子顯頤受學焉及爲郎故事當舉代每
遷授輒以薦之程公二子皆倡明道學以繼孔孟
不傳之緒世所謂二程先生者其原蓋自先生發
之也在鄉時其守李公初平知先生原蓋自先生發
欲讀書何如先生曰公老矣無及也惇頤請得爲
公言之初平遂曰聽先生語蓋二年而有得王荆

公提點江東刑獄時已號爲通儒先生遇之與語
連日夜荆公退而精思至忘寢食先生曰少信古
好義以名節自砥礪其奉已甚約俸祿盡以周宗
族在南昌時得疾暴卒更一日夜始甦或視其家
只一敝篋錢不滿百李初平卒子幼不克葬先生
護其喪歸葬之分司而歸妻孥子匱粥不給曠然不
以爲意也藍山之麓有溪焉築室其止可止古人
溪因語其友清逸居士潘延之曰可仕可止古人
無所必束髮爲學將有以設施可澤於斯民必不
得已止未晚也此濂溪者異時與子相從於其上
歌詠先王之道德是矣此其出處之本意也豫章黃
庭堅稱之曰茂叔人品甚高胸中灑落如光風霽
月好讀書雅志林壑不卑小官職思其憂與民決
訟得情而不喜其爲使者進退官吏得罪者自以
爲不免濂溪之名雖不足以致福而對其美然茂叔
取名而樂於求志薄於徵福而厚於得民非於奉
身而燕及俸發陋於希世而尚友千古聞茂叔之
名猶足律貪則此溪之水配茂叔以永久卿簾溪
矣識者亦或有取於其言云宋度正周卿簾溪
先生年譜序少時得明道伊川之書讀之始知推
尊先生而先生仕吾鄉時已得以文學行於當世遂
搜求其當世遺文石刻不可得又欲於架閣庫討

其書判行事而郡當兩江之會屢遭大水無復孑
者始仕遂寧間其卿前輩故朝議大夫知漢州傅
者曾從先生游先生嘗以姪說及同人說寄之遂
訪求之僅得其目錄及長慶集載先生遺事頗詳
久之又得其手書手謁二帖其後過利歸得訪歸
集之成都得其手書手謁二帖其後過利歸得訪歸
德集來懷安又得蒲傳正清風集皆載先生遺事
至於其他私記小說及先生當時事者皆繁而錄
之一口與今夔路運司帳幹楊齊賢相會成都時
楊方草先生年譜且見屬以補其闕刊其謬楊先
生之鄉士也操行甚高記覽亦極詳博意其所考
訂必已詳審退而閱之其載先生來吾鄉歲月頗
有差舛甚為趙清獻詩叔事為先生事又以程師孟
送行詩為趙清獻詩於足屢欲執筆未暇也及來
重慶官事稍閒遂以平日之所聞者而為此編然
其所載於先生入蜀本末為最詳其他亦不能保
其無遺誤正往時嘗有志過遊先生所遊之處以
訪其遺言遺行今自以衰晚莫能遂其初志有志
之士烏能垂意搜羅補而修之使無遺缺實區區
之志也嗚乎天之未喪斯文也故其絕于有餘年
而復續續之未久復又晦昧至近世而復燦然大
明小人之用事者自以為為不利於已盡力以抑絕

之賴天子聖明大有願學之志假令百世之下或有
顧天者其何傷於日月乎其何傷於日月乎嘉
定十四年八月二十日五里村曰鄧武鄉遊瀟溪
辭并序道州城西十五里村曰鄧武鄉遊瀟溪
叔以先生之居也先生宦遊過九江愛廬阜不能歸
故以瀟溪榜書堂示不忘本山谷一叔樂之用其
而曰有水發源於廬阜蓮花峯下茂叔樂之用其
平曰生所安樂婉水而成名曰瀟而近其叔父諱遂
謂本名廉溪先生子而求詩於山谷避其叔父諱
加以水且曰廉與應殊而音陰不應婉永以明
其旅其說具載九江學宮先生祠堂記以專觀之
俱失也專藤栗道道州考瀟溪頗詳因暇日以遊焉訪
先生之遺跡且道世人之惑也敢述以辭日遊焉訪
書通書後嘉祐記先生之行實采自用黃太史詩序中
語若以廉之為字乃得出於先生所用黃太史詩序中
之溪者其後累年乃得何君所記然後知廉溪云
者實先生故里之本號而非凡一時婉合之強名也
欲加是正則其傳已久懼反以異辭致惑故特附
何君語於遺事中以著其實後又得張敬夫所刻
先生墨帖後記先生家譜載瀟溪隱居在替道縣
樂樂鄉石塘橋西而春陵胡良輔為敬夫言瀟溪

溪之舊名父老相傳先生晚居廬阜因名其溪以示不忘其本之意近邵武鄉粵官春陵歸爲魚言嘗親訪先生之舊廬所見聞與何張之記皆合但云其地在州西南十五里許蓋溪之源委自爲上下保而先生居下保其地又別自號爲樓田至字之爲廬則疑其出於唐刺史元結七泉之遺俗也專嘗有文辨說甚詳其論制字之所從則蓋嘗爲九江林使君黃中言之與專說合方將并附其說於書後以證黃序之失而婺源宰三山張侯適將毀板焉因書以遺之庶幾有補於諸本之闕又南軒周先生祠記畧先生晚築廬山之下以濂名其溪世稱爲濂溪先生春陵之人言曰濂溪吾鄉里名也先生家世其間及寓於他邦而不忘所自生故亦以是名溪

書春陵門扉

有風還自掩無事晝常關開闔從方便乾坤托此閒

暮春卽事

雙雙瓦雀行書案點點楊花入硯池閒坐小窗讀周易不

知春去我多時

牧童

東風放牧出長坡誰識阿童樂趣多
歸路轉鞭牛背上笛
聲吹老太平歌

春晚

花落柴門掩夕暉
昏鴉數點傍林飛
吟餘小立闌干外
遙見樵漁一路歸

韻易象

書房兀坐萬機休
日暖風和草色幽
誰道二千年遠事
而今只在眼前頭

顯鳴謹案先生諸詩從近人所刻濂溪志採出已
上五首舊列卷末今案合州度周卿所作年譜畧

爲詮次以書春陵門屏詩爲首而以暮春卽事四
首次之以諸詩皆似未出山之前里居讀書時語
也

劍門

劍立溪峯信險深
吾皇大道正天心
百年外戶都無閉
空有關名點貢琛

天池

斯須暮雲合
白日無餘暉
金波從地湧
寶燄穿林飛
僊言自雄誇
俗駭無因依
安知本地靈
發見隨天機

題鄧都觀三首

山盤江上虬龍活
殿倚雲中洞府深
緬想眞風杳何左
偃

松喬柏長蕭森
仙都觀

始觀丹訣信希夷蓋得陰陽造化幾子自母生能致主精

神合處更知微

讀英真君丹訣

八厭塵至樂靜元俸微猶乏買山錢徘徊真境不能去且

倚雲房一榻眠

嶺山房

謹案年譜嘉祐元年丙申先生年四十遷太子中舍簽書署合州判官十一月抵合州視事劍門天

池題鄴都觀諸詩應作於是時

書仙臺觀壁

原注先生與赤水令費琦游龍多山唱和詩

到官處處須尋勝惟此合陽無勝尋赤水有山仙甚古

原注

晉馮蓋羅上丹處

躋攀聊足到官心

附費令琦詩先生舊隱寄煙岑丹竈仙臺暫訪尋自歎不如雞犬幸信雷靈藥換凡心

游山上一道觀三佛寺

琳宮金刹接峯巒一徑潛通竹樹寒是處塵勞皆可息時
清終未忍辭官

附費令詩巖扉相望路紆盤杉檜風高夏
亦寒游遍斗忘名宦意憾無生計可休官

喜同費君長官遊

尋山尋水侶尤難徇利徇名心少閒此日有君吾甚樂不
辭高遠共躋攀

附費令詩平生癖愛林泉趣名利繁人未許閒不
是儒流齊風采登山遊騎恐難攀原注君沿外臺

牒請臨按本邑簿書

附呈謝後判殿丞寵示游山之什詩夫君落筆盡
以機不比相如意思遲從此台陽須紙貴夜來新
有笑山詩原注君只於肩輿往還遂成三章其俊
敏如此

和費君見謝詩

登瀛泉景畫奇登臨深憾訪尋遲長棲未得於何記猶

有君能雅和詩

詩山李悅齋跋云 謙溪周先生與令君費琦唱酬

詩八首實嘉祐五年正月所刻今伐石刻之為臺

寺碑來游者皆得觀

觀紹定庚寅春分日

謹案年譜嘉祐五年庚子先生被臺檄按赤水縣

簿書與其縣令費琦遊龍多山有詩刻石詩唱和

凡八首

萬安香城寺別虔守趙公

公暇頻陪塵外游朝天仍得送行舟軒車更共入山腳旌

旆且從畱渡頭精舍泉聲清泚泚高林雲色淡悠悠談終

道奧愁言去明日瞻思上郡樓

附清獻和詩顧我入趙巖闕去煩君出饒嶺江頭更逢蕭寺千山好不惜蘭舟一日畱清極到來無

俗語道通何處有離憂分攜豈用驚南北水闊風高萬木秋

謹案年譜嘉祐七年王寅先生同趙清獻遊馬祖山詩應作於是時別本云清獻自虔州赴召舟至造口同遊香林寺石刻可考大成集以爲萬安香城非也侯考

行縣至雩都邀餘杭錢建侯拓四明沈幾聖希顏同遊羅巖

聞有山巖卽去尋亦躋雲外入松陰雖然未是洞中境且異人閒名利心

謹案年譜嘉祐八年癸卯先生正月七日行縣至雩都題名并有詩刻石

同石守遊

朝市誰知世外遊杉松影裏入吟幽爭名逐利千繩縛度水登山萬事休野馬不驚如得伴白雲無語似相留旁人

莫笑凭闌久爲戀林居作退謀

江上別石郎中

落葉蟬聲古渡頭渡頭人擁欲行舟
別離人似長江水遠亦隨君日夜流

憶江西提刑仲容

蘭自香爲友松何枯尙春榮來天澤重沒去繡衣新
盡作百年夢終歸一窖塵痛心雙淚下無復見斯人

案三詩仍舊編次於此

治平乙巳暮春十四日同朱復古遊山巔至大林寺
書四十字

三月僧房暖林花互照明路盤層頂上人在半空行
水色

雲含白禽聲谷應清天風拂巾袂縹渺覺身輕

謹案年譜英宗治平元年甲辰先生年四十八移永州通判二年乙巳自虔赴永道經江州三月十日同宋復古遊廬山大林寺至山巔有詩紀焉

任所寄鄉關故舊

老子生來骨性寒宦情不改舊儒酸停杯厭飲香醪味舉箸常餐淡菜盤事冗不知筋力倦官清贏得夢魂安故人欲問吾何況爲道春陵只一般

謹案年譜治平三年丙午先生任永州通判姪仲章至任歸有詩與之此詩應在此時

題冠順之道院壁

一日復一日一杯復一杯青山無限好俗客不曾來往事已如此未願安在哉寄語地上客歷亂竟誰催

贈譚虞部致仕

原注譚公名昉
虞部員外郎

清時望郎貴白首故鄉歸有子紆藍綬將孫著彩衣
新道院鶴老舊漁磯知止自高德甯爲遯者肥

題浩然閣

劉侯戴武弁政則心吾儒士茂先興學子賢勤讀書猷爲
莫不善才力蓋有餘西北方求帥浩然甯久居

案已上三詩俱
依原刻編次

按部至潮州題大顛堂壁

退之自謂如夫子原道深排釋老非不識大顛何似者數
書珍重更畱衣

題惠州羅浮山

沈湘耆舊集前編卷第十九

紅塵白日無閒人况有魚緋繫此身一上羅浮閒送日浩然心意復吾真

按部至春州

按部廣東經數郡若言嵐瘴更無春度山煙鎖埋清畫爲國天終護吉人萬里詔音頻降下一方恩惠盡均勻丈夫才畧逢時展倉廩皆無亟富民

謹案年譜神宗熙寧元年戊申先生年五十二是年權邵守有知郴州之命用趙清猷呂正獻交薦擢授廣南東路轉運判官四年辛亥正月領提點刑獄事行部至潮州有題大顛堂詩至惠州有題羅浮山詩又有按部至春州詩

濂溪書堂

元子溪曰濂詩傳到於今此俗最易化不欺顧相欽廬山

我所愛買田山之陰田閒有流水清泚出山心山心無塵
土白石照沈沈潄潄來數里到此始澄深有龍不可測岸
竹寒森森書堂構其上隱几看雲岑倚梧或欹枕風月盈
冲襟有時吟復默酒罷鳴幽琴數十黃卷軸賢聖談無音
窗前即疇圃外桑麻林千蔬可卒歲絹布足衣衾吾樂
蓋易足名濂以白箴誰爲相朝暮萬木寒蕭森

謹案嘉祐六年先生遷國子監博士通判虔州道
出江州愛廬山之勝有卜居之志因築書堂於其
麓至是始定居焉先生居官以來所得俸祿悉以
周宗族奉賓友故貧不能歸故里榜其書堂曰濂
溪志鄉關在目中也是詩當作於是時又案此詩
謹依宋詩紀事編入與近時所刻濂溪志本小異

思歸舊隱

一作靜
思篇

靜思歸舊隱日出半山明醉榻雲籠潤吟窗瀑瀉清閒方

爲達士忙只是勞生朝市誰頭白車輪未曉鳴

謹案此詩依濂溪志原本與宋詩紀事小異

夜雨書窗

秋風掃酷熱半夜雨淋漓遶屋是芭蕉一枕萬響圍何似釣魚船篷底睡覺時

石塘橋晚釣

舊隱陳溪上思歸復思歸釣魚船好睡寵辱不相隨目爲爵祿重白髮猶羈縻

拙賦并序

或謂予曰人謂子拙予曰巧竊所恥也且患在多巧也
喜而賦之

巧者言拙者默巧者勞拙者逸巧者賊拙者德巧者

者青鳥呼天下拙刑政徹上安下順風清弊絕
謹案通志金石門道州有濂溪先生拙賦碑碑在
宋時凡兩刻一為淳熙已亥在南康一為淳熙戊
申則刻於道州也朱子守南康有書濂溪先生拙
賦後云右濂溪先生所為賦篇間之其曾孫自
云近歲耕者得之溪上之田間已斷裂然尙可讀
也燕惟此邦雖陋然往歲先生嘗辱臨之乃闕江
東道院之東榜以拙齋而刻置焉既以自警且以
告後之君子俾無蹈先生之所恥者以病其民云
附錄宋朝奉郎差權知道州軍州楊允恭劄御書
濂溪書院額表伏以星奎啟運洪儒傑出於端原
雲漢為章綠宇煥新於贊宇鸞迴鳳翥魚躍鳶飛
臣允恭惶懼惶懼頓首頓首臣恭惟我宋之右文
乃有臣頤之倡道接孔孟之隆緒開圖書之正宗
晦是春陵實其鄉國田園數畝元豐之書契尙存
林壑一邱治平之題墨猶在况道郡得名之非偶
而濂溪為保以至今臣曩職采芹茲叨分竹念書
塾之與凡歷幾載何御扁之賜獨一八九江顧惟父
母之邦未沐帝王之寵闕然鉅典鬱若輿情不量

遠地之微臣妄覲上天之妙筆奏函朝上宸翰夕
頒昭回六字之晶芒鼓舞一方之矜佩茲蓋復過
皇帝陛下緝熙聖學表章儒先襲前朝之美謚曰
元昔舉易名之典屈天之子之尊臨于學肆加通祀
之儀煥乎麗藻之文賁此維桑之里臣祇承儀書
如對龍顏結霧罪煙承作九疑之輝映光風霽月
喜同多士以詠歸案楊允恭長沙人
附錄國朝姚締虞請優錄濂溪子孫疏道學之
傳孟子而後荀楊之徒不精不詳洎及五代昏昧
已極宋儒周濂溪出直接孔孟之傳太極圖說
河洛之精微易理通書闡天人之祕蘊潛修默
問極而章洛人程珦遺二子顯頤受學皆能昌明
聖道以大啟有宋一代之盛故朱熹之序濂溪曰
世所謂二程先生者其源蓋自先生發之可謂不
忘所自矣臣又按宋嘉定十三年謚濂溪為元公
其辭曰先生博學立行會道有元脈絡貫通上接
乎洙泗條理精詳下逮乎河洛以元易名庶幾百
世之下知孔氏之後明聖道者必自濂溪始焉
元年追封汝南伯元延祐六年加封道國公明正
統元年封理濂溪祠墓優免子孫差役景泰七年
查濂溪嫡長子孫周冕授翰林院五經博士世襲
撥給墓田至明季遂失其傳竊念先有濂溪然後

有程朱今二氏世襲弗替而濂溪子孫淪落祠地
荒地捨之典章不無挂漏請收廷臣集議考
溪當理學絕續之際敢朱程道脈之傳即行建撫
查其子孫果否曾世授五經博士酌加優錄不
惟慰先儒於地下亦可勵百世之人心矣

周司封壽一首

壽字元翁小字季老行百一元公長子元豐五年
壬戌進士初授吉州司戶調秀州司錄終司封郎
中黃魯直嘗跋其所撰龍眠居士大悲贊云元翁
純粹動金石其言語文章發明妙慧非爲作使之
合蓋其中心純粹而生光耳元翁詞翰之妙諸老
先多稱之語見朱子文集宋詩紀事云澈水志載
其金粟寺庵詩一首蓋官秀州時作也

題金粟寺庵

清池帶蒼巖結構俯林麓扶疏竹外山相向隔羅縠老禪
謝人境歲晚收白足誰聆梵然音息隱尙爭逐道場坐千
劫不媿桑下宿定中觀潮汐絕事心已熟

常棠敏
水志

周待制齋二首

齋字次元小字通老行百二元公次子元祐三年
戊辰進士初授貴池令歷兩浙轉運使知成都府
終徽猷閣待制次元官轉運時坡公方守杭州同
在錢唐坡爲賦故周茂叔先生濂溪詩又次韻劉
景文周次元寒食同游西湖所謂山西老將詩無
敵洛下耆生語夏竦嘗道此事云成都女類載其

得雪時於細說都時矣有愛蓮堂集

暑雪軒

崇臺窮石照氣味樂偷閑南陸朱明馭四闌白雪山茶
回舌本塵尾落談閒欲綴風煙句彌高不可攀成都安

遊天竺觀激水

拳石蒼婆色雨青竹龍驅水轉山鳴夜來不見跳珠碎疑

是簷閒滴雨聲

咸淳臨安志

琮案周氏遺芳集自元公四世孫興裔以下皆有著述今集未見又周氏譜云元公長子壽生都人何平仲銅梁令呂陶皆以詩賀之今案平仲合州人非營道人也

何弃仲一首

弃仲一作何弃字農父營道人亦元公邑子也附

存卷末

營道齋詩 并序

舂陵郭縣曰營道三十里而近有村落曰濂溪周氏家
焉族衆而業儒有子曰惇頤字茂叔遠宦南歸弛肩廬
阜力不能返故居乃結屋臨流寓濂溪之名志鄉關在
目中也修水江夏公敬慕之每稱獎其子壽壽即次
元亦爲坡公所知坡有故茂叔濂溪詩唯多其廉退修
水亦止述其廉平莫詳僑寓之意殆子弟不能達先志
也夫修水相去甫數舍坡其同時人皆失本意文字傳
謬吁可歎已余與先生同邑人也爰託宿於茲且有墳
隴畱人比剝山房取吾邑名吾齋因話前事賦詩曉兒

曹

儒行篇中有至論書齋鄉縣兩存存南音楚國鍾儀操仁
術函人孟氏言近信每隨流水到舊廬凝望度雲屯里井
勝母泉君子循取佳名觀聖門

琮案農父此詩序辨山谷廬阜名濂之非朱子得
之始知濂溪實先生故里之本號特附其語於遺
事中見書通書後則農父固有功於周子
者故用史家附傳例特錄此卷之後云

沅湘耆舊集前編卷第二十

新化 鄧顯鶴 子立審編

男琮謹輯

蘇養直庠 十七首 詞附

庠字養直澧州人父堅字伯固博學能文與坡翁友善唱和甚多坡翁守杭伯固以臨濮縣主簿監杭州商稅督開西湖甚得其力及坡翁從僊耳北歸猶作詩寄之有靈均一去楚江空澧陽蘭芷無顏色之句又黃山谷謫死宜州伯固在嶺外護其喪歸葬雙井其風義如此養直少工詩爲坡翁所賞每稱爲吾家養直由是名益重初以病目號眚

翁後徙居丹陽之後湖更號後湖病民紹興閒居廬山與徐俯同召養直不起俯造朝便道來過養直留飲對奕甚歡平日俯奕高於養直是日養直拈一子笑視俯曰今日須讓老夫下此一著俯有愧色秦檜欲見之養直曰吾老矣不能販賣雲壑卒年八十餘有後湖集案伯固父子周旋坡谷閒文章風義推重一時今各家記載及注蘇詩者但稱丹陽蘇庠不復知其本貫矣

陳振孫書錄解題後湖集十卷丹陽

蘇庠養直撰其父堅伯固亦有詩名庠以遺澤昇其子而自放江湖間東坡見其清江曲大愛之山是得名僧祖可正平號癯可者其弟也庠巾子扶亦工詩有清苦之節庠紳之後頌之故案蘇集有次韻蘇伯固重九詩以遊廬山有歸朝歡詞公

詩賦州過蘇伯固重九詩以遊廬山有歸朝歡詞公

蘇軾從於詩集有相得至屢形諸葛蘇可云至空
詩南伯固可考者如此至所無均一去楚江空體
矣集中可考者如此至所無均一去楚江空體
賜筆正無真色之句今不見又伯固詩無有存者
惟黃直詩見朱詩紀
事尚稱澧州人耳

清江曲

蜀玉雙飛水滿塘菰蒲深處浴鴛鴦白蘋滿棹歸來晚秋
著蘆花兩岸霜扁舟繫岸依林樾蕭蕭兩鬢吹華髮萬事
不理醉復醒長占煙波弄明月
茗溪漁隱叢話東坡書養
直此詩云此篇若置在大
白集中誰復疑其非也乃
吾家養直
所作清江曲云建中靖國
元年三月

後清江曲

層波渺渺山蒼蒼輕霜隕木蓮葉黃呼兒極浦下笳簫社
鼓欲熟浮蛆香輕帆浙漚鳴秋雨日暮乘流自相語一笛

秋風萬事休白鳥翩翩落煙渚

賦王文瑞臞庵

王郎臞庵摩詰詩煙花遠舍江遶籬石渠東觀了無夢筆

牀茶竈行相期古人已往不可作甫里顧有今天隨東鄰

蟹舍冑著我請辦簑笠懸牛衣

龔明之中吳紀聞吳江王份字文瑞自號臞庵嘗築

園於松江之側方經始時文瑞下榻待余延留數月見其

對作址計三百萬錢圓成極東南之勝後湖蘇養直嘗賦

詩云云又吳郡志臞庵在松江之濱邑人王份有超俗趣

營此以居園江湖以入園故多柳塘花與景物秀野名聞

四方一時名勝喜遊之皆為題詩園中有與閒平遠種德

及煙雨觀橫秋閣凌風臺鬱我城釣雪澣琉璃沼臞翁而

竹廳龜巢雲關綴林楓林等處

而浮天閣為第一總謂之臞庵

又賦文瑞草堂一首

笛弄松江明月簑披笠澤歸雲若道青霄快活五侯何處

如君

浮天閣

玉蟾飛入水晶宮萬頃琉璃碎晚風詩就雲歸不知處亂
山零落有無中

秋落空江動碧虛黃蘆洲渚雁飛初我來欲訪鴟夷子爲
挂西風十幅蒲

平遠堂

柳外西風六幅蒲野塘睡鴨對春鋤如何喚得王摩詰畫
作江南煙雨圖

送子經歸臨安

牛背行將老鷗沙盟已寒尊鱸付張翰書札報任安古學

飽胸次驚瀾翻筆端西湖十頃月翳取醉時看

宿飛來峯下

吳中未歷佳山水湖上懷思去惘然雲去雲歸兩峯寺鷗
飛鷗沒夕陽天客愁官渡落花雨歸夢下湖春水船想得
對牀成夜話何須隴月向人圓

咸淳臨安志

題張公洞

銅官之南山復山捫蘿絕壁苔蘚斑只今何處可容足乞

我石房雲一間

是陵志

德友近在咫尺乃不相過因成一詩

十日已吹梅信風絕巖未許一鳥同喜君不減習主簿媿

我強非龍德公

德友求蒼苔花栽戲作小詩代簡

同部雲蘿小隱家，刺藤醉墨半欹斜。酒餘落筆已殊絕，發

興不須磨荀花。

蘇公隱丹徒五召不起，周君德友主縣簿，

願從之遊，文書往來委曲如墳求之，古人未易一二也。

題塘墪山風漪軒

竹陰既疏明，流泉復青駛。往響聞山泉，涼風澹然至。幽人此安禪，閱世一遊戲。何必周八垠，是中有能事。

至湖上

沙晚水痕碧，蕭蕭蒲葦秋。鴻飛遵遠渚，木落見滄洲。藤杖

吟還倚風帘，行可休有懷。誰共語暝色，起林邱。

鎮江府志

自宜興還西岡作

菩薩蠻詞附

園林寂寂春歸去，濛濛柳下飄飛。一作香絮野水接雲橫綠

煙曉曉鶯，江南鵲鳩夢山色朝來重。小艇小灣頭蘋花

蘋葉洲

歸帆

木蘭花令
詞附

江雲疊疊遮駕浦，江水無情流薄暮。歸帆初張，葦邊風客
夢不禁篷背雨。渚花不解留人住。只作深愁無盡處。白
沙煙樹有無中，雁落滄洲何處所。

荷花

臨江仙
詞附

獵獵風蒲初暑過，蕭然庭戶秋清。野航渡口帶煙橫。晚山
千萬疊，別鶴兩三聲。秋水芙蓉，聊蕩槩一樽同破愁城。
蓼花灘上白鷗明。暮雲連極浦，急雨暗長汀。

侯縣丞友彰一首

友彰字夢符衡山人慶歷

一作皇祐間

六年丙戌進士

初爲臨武尉改桂林丞夢符性廉介取與不苟居官布衣蔬食無異寒素有故人子謁之輿從雜糲夢符飯以粗糲客去其子以貧約爲羞夢符笑曰汝乃不如王霸兒耶因爲詩示之

示子

老去官仍舊貧來口亦添舉杯瓶易罄下箸味難兼吾祖從來儉癡兒莫謾嫌萬錢終有命遺汝不如廉

胡進士時中一首

時中字伯正祁陽人治平四年丁未特恩進士

清明行

憶昔父母康健時清明攜我上邱隴如今清明我獨來卻將小兒拜先冢凝情東風淚滿衣江山猶是昔人非兒兒問我悲何事此意他年汝自知

前賢小集拾遺

鄧考功忠臣二首

忠臣字慎思湘陰人熙寧元年

一作三年

戊申進士官

大理丞以獻郊祀慶成賦又作原廟詩百韻擢正

字遷考功郎坐元符黨廢不用崇寧初追奪范忠

宣謚言者論其撰議過實又坐罰銅後入元祐黨

籍崇觀間卒著作

詩集

杜詩全帙有玉池集

三十卷弟考功

詩集

門力學宣和間廢

不就年七十猶

行謫聞於時慎思

坡翁交好事母

卒喪歸葬衣墓之節

皆應古禮蘇集有鄧忠臣母挽詞詩今玉池集久

佚僅從宋詩紀事採錄二首

琮案浙江遺書總錄有忠臣等同文館唱

和詩十卷忠臣與余幹耿南仲曹輔諸人同在試院

同文館校士時唱和諸作四庫總目提要同文

館本以待高麗使和之時忠臣等同考校即其地為

試院因錄同舍唱和之作彙為一編凡十一人又

有但題其名曰向曰益而不著姓者二人益疑即

溫益向則不知何人也未補之肇南仲公麟武仲

益七人宋史有傳忠臣倚並入元祐黨籍惟幹子

友行一事不槩見輔亦非靖康時為樞筦者樓鑰誤

合為一王應麟困學紀聞已辨之矣集中不著唱

和年月考宋史末補之傳俱稱元祐初為校書郎

以末詩督書芝閣上補之詩較直督書省二語核

之乃正其官祕省時而元祐三年知貢舉者為孔

平仲事見本傳此集並無平仲之名則非在三年

可知惟忠臣詩有單闕孟夏草木長句自註云丁卯四月還朝丁卯為元祐二年意者即在此是歲歟又案輔詩云九人同日鎮重聞而子文又有毛遂未至空連房句註云同舍十九人余獨後入疑試官許先後入院宋制本自如此時共事十九人而集中闕其八人蓋古人真樸不強為其所不能如蘭亭修禊與會者四十一人有詩者僅二十六人非佚脫也諸家專集惟宋柯山集補之雜助集武仲清江三孔集今尚存於世其餘如聲之丹陽集忠臣之玉池集已佚不傳其餘并有集無集亦不可考殘篇闕句實藉此以獲見一斑

考校同文館戲贈子方兼呈文潛次无咎韻

五年坎壈哀南方江湖魏闕兩相忘洞蘿巖桂攀孤芳月

潭風渚儔漁郎單闕孟夏草木長望都樓觀鬱蒼蒼原注忠臣

癸亥六月以家艱去國丁卯四月還省誰令焚芟辭楚狂復來上君白玉堂

黃門戟曜羽林槍未央引籍班胡羌雲屯錦膊馬斯臧大

官日膳瓊爲糧追隨威鳳鳴高岡豈敢偃息復在牀投鈴

歸休下殿傍衛士傳詔來如驤館閭闔外西城隍書囊迫

還不及裝顧俊士集要言揚得弓勿問何人亡趙璧旣入

秦城償賴脫喜見雖出囊同人于野不擇鄉裁裁羽翮整

顏行金門玉勒皆驕驕伯喈懷牘望金商天盛魁梧奇偉值

子房文潛家令數術應帝王先告三英粲粲日爭光我輒與之

較雌黃芳菲滿室蘭生香坐堂月久秋氣涼將軍思歸歌

撫觴子方倚梧目送雁南翔想見葭菼水中央洞庭河漢遙

相望香楓葉老赤染霜感慨少日七步章長安城西約鄭

莊予與子方先告文潛天爵有此約率率不去有底忙人生可意乃吉祥

快馬劃過小苑牆入門爛醉銀瓶漿秦箏趙瑟喜高張同文

館倡
和詩

邯鄲道中夜行阻風

欲瀉懸河雨先號拔木風問津厖吠處覓路電光中徒御

憂羣盜兒童笑拙翁當知步兵哭初不爲途窮

瀕奎律屬

黃太府誥二首

誥字君謨平江人熙寧元年一作三年戊申進士初爲

長沙簿章惇開梅山議增畝稅力請罷之徙知益

陽中使采木至縣遣二卒句典押而驗無引牒杖

而遣之尋居喪廬墓三年芝生墓前凡六十餘本

哲宗賜帛五十匹紹聖二年以朝散郎起知歙州

首謁先聖升堂講周禮諭父老遣子弟入學更勸

學舍明年登第者十人後遷湖南提刑仕至太府卿君謨巨孝炳著其請罷梅山增畝稅議尤有功於吾邑者詩見平江志僅存古近體三首今錄其二一從汰蓋所重不在詩矣

道巖

原注巖在鳳樓山有襟真觀一名道巖觀平江名勝也

道士元周其姓胡朝來遺我仙巖圖一堆盤石東西向鑿破混沌中心虛欲知地面深且廣架屋百楹端有餘天地高下相濯漑四柱卓立擎香爐席帽近南猶仰視雲蓋一峯蟠北隅前後兩巖相表裏直過可以肩籃輿吳許遺閨試劍石葛丈棄置燒丹爐當時俗眼故不識一旦脫履朝清都至今丹井泉源湧下接三江連五湖春來桃李開錦

繡宛在武陵溪上居人間酷熱不能到清風白水搖芙蓉
霜飛雪落萬木死玉葉青青長不枯三清殿前拜章夜香
遶真儀七十軀月光射入隙空內皓皓寒冰在玉壺老龍
隱睡忽驚覺一霎萬頃霑膏腴物無疵癘年穀熟有感則
通如合符本朝圖經自該括厥後荒廢成邱墟元周抵掌
謂必葺十四年來復古初崇寧天子降明詔廢者始興傳
聖謨郡邑何時能剡奏華封之祝相歡呼

賀吳樵兄弟登第

案平江吳樵吳樵兄弟相繼成進士樵宣和二年樵則政和口年也

連雲山下鳳皇兒何幸今朝見白眉天子傳經無異說弟
兄題塢又同時北堂偕老椿千歲南國聯榮桂兩枝青史
他年書茂實一門忠孝是鉉基

劉潛使次莊 三首

次莊字忠叟長沙人以開梅山入峒曉喻得官熙
寧六年癸丑賜同進士出身崇寧中官至侍御史
江西潛使忠叟自幼喜書初太宗購古帝王名卿
墨帖爲十卷鏤板藏禁中每大臣登二府卽賜焉
歲久不復賜板亦漫漶忠叟又爲別本當寓新淦
所居民屋窗牖牆壁題寫殆遍詩亦不俗僅得三
首

琮案忠叟元祐中嘗爲淳化閣帖釋文刻石臨
江又書毛漸梅山頌刻石安化八里潭今燬

敷淺原見桃花

桃花雨過碎紅飛半逐溪流半染泥何處飛來雙燕子一

時銜在畫梁西

墨莊漫錄

江神祠

髻插幽蘭花手把菖蒲葉漁郎偷語人云是江神
妾江神昨夜鼓雲濤開帆拍天上千艘吳洲女兒弄春水浪溼船頭紅錦袍

前賢小集拾遺

王昭君

斂袖出明光琵琶道路長初聞胡騎語未解漢宮糝薄命
隨塵土元功屬廟堂蛾眉知有用慙媿羽林郎

蘇奎律隨

彭提舉天益一首

天益攸人元祐三年舉於鄉崇寧初爲國子監博士以議論不合出爲湖南提舉大觀初上封事言權姦悞國年五十致仕居司空山有瑞麟集

琮案湖南

通志選舉表天益為咸平三年庚子進士至崇寧
改元壬午百有二年大觀初則百有七年矣楚風
補作元祐三年鄉舉為得其實惟所收聞子規
首係五代陸蟾詩見雅言系載近攸縣賀廣文德
宗攸與詩鈔僅錄
其遊司空山一首

遊司空山

此行疑是入天台雲鎖巖扉次第開未得路通遊紫府且
隨溪轉上丹臺藤蘿映帶皆天設山水縈迴總地裁果是
仙家遺舊跡清奇端不讓蓬萊

朱桂陽輅二首

輅字國器桂陽人紹聖四年丁丑進士授湘陰尉
遷長垣尉通判邵州擢知柳州改知邵州以母老
乞近授桂陽監使致仕國器天姿高邁才識過人

尉湘陰時詔開鼓鑄使者欲改嶽麓書院爲之國
器抗言鄉校不可毀使者困之不爲懼判邵州統
制張倩殺江華叛蠻降者百餘人以首級分賣將
士又舉人唐貢引叛蠻至戮錦田一千三百餘家
民因蠻叛羣起爲盜兩獄株連千人潭帥檄國器
往治鞫畱二十八人餘悉保釋擢知柳州有甘露
降於州廨松下踰月地猶潤人以爲善政所感改
知邵州有私酤家倡衆擊尉傷足鞫勘獄具而遇
赦國器曰承平日久頑民強橫不可長復收繫以
聞詔令刺配河北旣得代以母老不仕母勸勉之
出不得已乞近便養授桂陽監使十月卽致仕歸

有詩二首

自春陵還題驛舍壁

琮案郴州志朱輅傳輅往春陵鞠張倩唐貢兩獄事聞倩止降

官勒停貢內徙楚州逮逮者皆杖遣江華人蔣
此作春陵仁獄以序其事輅還自春陵作此詩

邵陵北望幾勞魂
白首慈親日倚門
雲外歸鴻如可托
平安先爲慰晨昏

任桂陽監使挂冠養母述懷

勇退無心戀一麾
叩闥乞得侍庭闈
二千石祿人皆羨
九十慈親古亦稀
東閣雖無文舉酒
北堂幸有老萊衣
黃梁未熟渾閒事
且臥南山飽蕨薇

唐運判續二首

續字公懋零陵人元符三年庚辰進士歷官衡山

令通判鼎州擢福建路運判公懋少警敏嗜學能
文范祖禹謫永嘗從之遊有治才初宰衡山地多
僧田富民田半賦入不時公懋至賦率先期判鼎
時會沅州有獠寇荆南帥劉亞夫檄之往援賊平
功最桃源縣方田吏倚法爲市民不堪命相率爲
亂衆且數千提點刑獄孫定鑑遣公懋以兵捕公
懋曰吾民勤服田疇而吏重擾之豈忍加兵乃單
騎往以好言慰諭諸父老俾解散鬪者欣然棄械
去移判登州未行擢福建路運判所至以慈惠稱
有詩二首案楊翁靈巖洞記前洞左側方輒
刻詩一絕落句分明便是桃源路不見
溪中流落花後書政和某年月日邵侔零陵唐鎮
象額唐朝奉題靈巖字極了了邵志譌爲洛浦師

不知何據又常德府志謂靈巖洞前積沙中有斷碑恐卽此詩也

靈巖寺呈銳公禪師

一水穿巖走碧沙沿溪樛木臥龍蛇分明便是桃源路不

見溪頭

一作溪中流落花

登孤峯

昨浮枉渚水今上枉人山想像雲深處先生獨往還

周御史裕二首

裕祁陽人元符三年進士官辰州通判擢御史案

周裕事蹟無可考名氏仕履畧見通志選舉表又山川門存其嘯巖一詩考嘯巖凡三見一在新寧縣東百里一在東安縣西北三十五里而新化志亦有嘯巖在縣東五十里通志嘯作蕭亦存宋周惠詩一首與裕詩特小異飛雁一聯則全同殊不可解也

嘯巖

萬窟藏雲造化寬仙源路在小江千三冬洞府幽棲暖九
夏星槎穩泛寒飛雁忽經天柱過蟄龍欲向石田蟠揭名
爲報紅塵客儘把茲巖取次看

煙村

千山環拱號煙村名曰煙村卻不村路入清湘徒旅衆坐
看擾擾到黃昏

侯鈴轄延年一首

延年衡山人崇寧五年丙戌進士官荆湖南北鈴轄使

靈巖故宅

琮案茶陵州東二十里靈巖有唐陳光問故宅光問茶陵人天復元年進士嘗讀書

於此亦謂
之韻書嚴

十年辛苦唐賢士千載奇勳舊石巖天籟沈沈山月小夜

深文字與誰談

歐陽進士子槐一首

子槐郴州人崇寧五年丙戌進士詩一首

案子槐宋史

及湖南通志皆無傳通志選舉表亦漏載郴州志

稱其累官參知政事檢宋史宰輔表并無其人知方志不足據也

遊開山寺

高平北路入禪堂行轉茅岡上石岡壑險橋危需一葺山
深樹古立千章禽聲嚶嚶如簫巧溪曲灣灣似帶長我欲
拂衣登絕頂低徊吟嘯白雲鄉

沅湘耆舊集前編卷第二十終